

ხელშეკრულება № 160026661/ 141
სახელმწიფო შესყიდვის შესახებ

ქ. თბილისი

2016 წლის 8 ნოემბერი

ერთის მხრივ, სსიპ „საქართველოს ფინანსთა სამინისტროს მომსახურების სააგენტო“ (შემდგომში „შემსყიდველი“) წარმოდგენილი გენერალური დირექტორის გიორგი ხანიშვილის სახით და

მეორეს მხრივ, შპს „ჯეო დიზაინი“ (შემდგომში „მიმწოდებელი“) წარმოდგენილი დირექტორის კახა ბეგლარაშვილის სახით,

„სახელმწიფო შესყიდვების შესახებ“ საქართველოს კანონის და მიმწოდებლის სატენდერო წინადადების საფუძველზე, გამარტივებული ელექტრონული ტენდერის (SPA160026661) ჩატარების შედეგად აფორმებენ სახელმწიფო შესყიდვის შესახებ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და გამარტივებულ ელექტრონულ ტენდერში გამარჯვებულ პრეტენდენტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე მთელი დოკუმენტაციით, რომლებზეც ხელშეკრულებაში არის მინიშნებები
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელმაც მოიპოვა გამარჯვება გამარტივებულ ელექტრონულ ტენდერში და ახორციელებს შესყიდვის ობიექტის მიწოდება ხელშეკრულების ფარგლებში.
- 1.6 „საქონელი“ – ხელშეკრულების მე-2 მუხლით გათვალისწინებული შესყიდვის ობიექტი.
- 1.7 „ტექნიკური დავალება“ – სატენდერო დოკუმენტაციის ტექნიკური დავალება, რომელიც ხელშეკრულების განუყოფელი ნაწილია.

2. შესყიდვის ობიექტი

- 2.1. შესყიდვის ობიექტს წარმოადგენს: 2 ერთეული იარაღის განსათავსებელი სტელაჟის შესყიდვა CPV39100000; CPV39151100;
- 2.2. შესყიდვის ობიექტის დეტალური აღწერა და პირობები მოცემულია ტექნიკურ დავალებაში (დანართი #2), რომელიც ხელშეკრულების განუყოფელი ნაწილია.

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს: 498 (ოთხასოთხმოცდათვრამეტი) ლარს დღგ-ს გარეშე.
- 3.3 ხელშეკრულების ჯამური ღირებულება მოიცავს ხელშეკრულების შესრულებასთან და საქონლის მიწოდებასთან დაკავშირებულ ყველა თანამდევ ხარჯს, დღგ-ს გარდა, ვინაიდან მიმწოდებელი არ არის დღგს გადამხდელი.

4. მიწოდების პირობები, ადგილი და გარანტია

- 4.1. ხელშეკრულებით გათვალისწინებული შესყიდვის ობიექტის მიწოდება ხორციელდება დანართი #2-ში (მიმწოდებლის ფასების ცხრილი) მოცემული პირობების შესაბამისად, ხელშეკრულების გაფორმებიდან 10 კალენდარული დღის განმავლობაში.
- 4.2. ხელშეკრულებით გათვალისწინებული შესყიდვის ობიექტის მიწოდების ადგილია ქ.თბილისი, გ. გულუას ქ.№4 სსიპ „საქართველოს ფინანსთა სამინისტროს მომსახურების სააგენტოს“ ოფისი;
- 4.3 მოწოდებული საქონელი უნდა იყოს მაღალი ხარისხის და არ უნდა ავლენდეს დეფექტს, უნდა შეესაბამებოდეს შემსყიდველის მოთხოვნებს და უნდა გააჩნდეს გარანტია შესყიდვის ობიექტის მიღება ჩაბარებიდან 1 წლის განმავლობაში.

5. მხარეთა უფლება-ვალდებულებები

5.1 შემყიდველს უფლება აქვს:

- 5.1.1 შეამოწმოს შესყიდვის ობიექტის მახასიათებლების შესაბამისობა ხელშეკრულებით გათვალისწინებულ პირობებთან;
- 5.1.2 რაიმე ნაკლის აღმოჩენის შემთხვევაში, აცნობოს და მოთხოვოს მიმწოდებელს ნაკლის დაუყოვნებლივ გამოსწორება.
- 5.1.3 მოითხოვოს მიმწოდებელისგან ხელშეკრულების ჯეროვანი, დროული და კეთილსინდისიერი შესრულება.

5.2 შემყიდველი ვალდებულია:

- 5.2.1 განახორციელოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად.
- 5.2.2 დაიცვას ხელშეკრულებით გათვალისწინებული პირობები.

5.3 მიმწოდებელს უფლება აქვს:

- 5.3.1 მოთხოვოს შემყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

5.4 მიმწოდებელი ვალდებულია:

- 5.4.1 უზრუნველყოს ხელშეკრულების პირობების შესრულება.
- 5.4.2 შემყიდველს მიაწოდოს ხარისხიანი შესყიდვის ობიექტი, რომელიც არ გამოავლენს დეფექტებს.
- 5.4.3 შესყიდვის ობიექტის მიწოდების პროცესში არსებული შეფერხების შესახებ აცნობოს შემყიდველს.
- 5.4.4 შესყიდვის ობიექტის მიწოდების პროცესში რაიმე ნაკლის გამოვლენის შემთხვევაში, უზრუნველყოს მისი გამოსწორება დაუყოვნებლივ, საჭიროების შემთხვევაში გაწიოს საჭირო მომსახურება (ახალი შესყიდვის ობიექტის მიწოდება), შემყიდველის მხრიდან რაიმე დამატებითი ხარჯების გარეშე.

6. ანგარიშსწორება

- 6.1 ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით მიმწოდებლის მიერ ფაქტობრივად გაწეული მომსახურების ღირებულების შესაბამისად.
- 6.2 ანგარიშსწორება მიმწოდებელთან განხორციელდება შესყიდვის ობიექტის მიღება-ჩაბარების აქტის გაფორმებისა და წარდგენის საფუძველზე, შესაბამისი დოკუმენტების სრულად წარდგენიდან არაუგვიანეს 10 სამუშაო დღის ვადაში.
- 6.3 საქართველოს მოქმედი კანონმდებლობით გათვალისწინებული მიმწოდებლისათვის დადგენილი ყველა გადასახადის გადახდაზე პასუხისმგებელია მიმწოდებელი.

7. ხელშეკრულების ინსპექტირება

- 7.1 შემყიდველი ახორციელებს კონტროლს ხელშეკრულების შესრულების ნებისმიერ ეტაპზე მიმწოდებლის მიერ ნაკისრი ვალდებულებების შესრულებაზე.
- 7.2 მიმწოდებელმა უნდა უზრუნველყოს შემყიდველი ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.
- 7.3 ინსპექტირებას ახორციელებს შემყიდველის ქონების მიღების, აღრიცხვისა და შენახვის სამსახურის უფროსი გრიგოლ სამყურაშვილი ან/და ადმინისტრაციული სამსახურის ლოჯისტიკის განყოფილების უფროსი ირაკლი კვაჭანტირაძე (შემდგომში ინსპექტირების განმახორციელებელი).
- 7.4 ინსპექტირების განმახორციელებლის ფუნქციებია:
 - 7.4.1 გაუწიოს კონტროლი შესყიდვის ობიექტის მიწოდების ვადების ხელშეკრულების მოთხოვნებთან შესაბამისობის დადგენას.
 - 7.4.2 განახორციელოს კონტროლი მიწოდებული შესყიდვის ობიექტის ხარისხზე, ტექნიკური დავალებით გათვალისწინებული მოთხოვნების შესაბამისობაზე.
- 7.5 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. შესყიდვის ობიექტის მიღება - ჩაბარების წესი

- 8.1 შესყიდვის ობიექტის მიღება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული შესყიდვის ობიექტის შესაბამისად, რომელიც დასტურდება მხარეების ან მათი წარმომადგენლების (უფლებამოსილი პირის/პირების) ხელმოწერებით.
- 8.2 შემყიდველის მხრიდან მიღებას ახორციელებს ადმინისტრაციული სამსახურის ლოჯისტიკის განყოფილების უფროსი სპეციალისტი გიორგი თარგამაძე ან/და შემყიდველის ქონების მიღების, აღრიცხვისა და შენახვის სამსახურის საწყობის მენეჯერი - გიორგი მეგოკიშვილი.
- 8.3 ხელშეკრულების 5.4 პუნქტის შეუსრულებლობის შემთხვევაში შემყიდველი უფლებამოსილია უარი

განაცხადოს მიღება—ჩაბარების აქტის გაფორმებაზე და მოითხოვოს ხელშეკრულების პირობების შესრულება შემსყიდველის მხრიდან რაიმე დამატებითი ხარჯების გაწევის გარეშე.

9. ხელშეკრულების შეწყვეტა

9.1 შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული საკონდოს ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

9.2 შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ვადაში მიმწოდებელს არ შეუძლია შესყიდვის ობიექტის სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის მიმართ დაიწყო გადახდისუნარიობის საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

9.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.4 ხელშეკრულების 9.3 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 დღით ადრე წერილობით აცნობოს ამის შესახებ მეორე მხარეს.

10. მხარეთა პასუხისმგებლობა

10.1 ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების ღირებულების 0,07% -ის ოდენობით.

10.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოითხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.3 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

11. ფორს-მაჟორი

11.1 მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

11.2 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებებისგან.

12. ხელშეკრულებაში ცვლილებების შეტანა

12.1 ხელშეკრულებაში ნებისმიერი ცვლილების ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ხელშეკრულების განუყოფელი ნაწილია.

12.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა

საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13. დავების გადაჭრის წესი

13.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის ხელისმოწერისთანავე და ძალაშია 2016 წლის 31 დეკემბრის ჩათვლით.

15. დასკვნითი დებულებები

15.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

15.2 ხელშეკრულება შედგენილია ქართულ ენაზე 3 თანაბარი იურიდიული ძალის მქონე ეგზემპლარად და აქედან 2 ეგზემპლარი ინახება შემსყიდველთან.

16. მხარეთა მისამართები, საბანკო რეკვიზიტები და ხელმოწერები

შემსყიდველი:

სსიპ "საქართველოს ფინანსთა სამინისტროს
მომსახურების სააგენტო"
ქ. თბილისი, გულუას ქ. № 4
ტელ: (995 32) 2 601 601
საიდენტიფიკაციო კოდი: 205081249
მიმღები: სახელმწიფო ხაზინა
მიმღების დასახელება: ხაზინის ერთიანი ანგარიში
ბანკის კოდი: TRESGE22
მიმღების ანგარიში/სახაზინო კოდი: 707027501

გიორგი ხანიშვილი
გენერალური დირექტორი



მიმწოდებელი:

შპს „ჯეო დიზაინი“
იურ. მის: ვ. ბაგრატიონის ქ. №30
ფაქტ. მის: ჩარგლის ქ. №52
ტელ: 599 499403
საიდენტიფიკაციო კოდი: 402032000
ელექტრონული ფოსტა: kaxa5557@mail.ru
საბანკო რეკვიზიტები
სს „ვითიბი ბანკი“
ბანკის კოდი: UGEBGE22
ანგ. GE51VT9800000005013608

კახა ბეგლარაშვილი
დირექტორი



31.10.2016წ

სატენდერო წინადადების ფასი , რაოდენობა, მოქმედების ვადა

შპს "ჯეო დიზაინი"სატენდერო დოკუმენტაციით გათვალისწინებული იარაღის განსათავსებელი სტელაჟების მიწოდებას გთავაზობთ 498(ოთხას ოთხმოცდა ოერამეტი)ლარად დღგ-ს გარეშე

შესყიდვის ობიექტის დასახელება	შესყიდვის ობიექტის ტექნიკური მახასიათებლები	ზომის ერთეული	რაო-ბა	ერთეულის ფასი დღგ-ს გარეშე	საერთო ფასი დღგ-ს გარეშე
1 იარაღის განსათავსებელი სტელაჟი	იარაღის განსათავსებელი სტელაჟი დამზადებული ნიშნულში №1, ნიშნულში №2, ნიშნულში №3, ნიშნულში №4 შესაბამისად, რომელიც აკმაყოფილებს შემდეგ ტექნიკურ მახასიათებლებს: ზომით სიგრძე 980მმ სიგანე 750მმ, სიმაღლე 2000მმ, სტელაჟის კონსტრუქცია მეტალის, ასაწოში ჭანჭიკებით და ქანჩებით. საყრდენი მილი 30მმ მილკვადრადი შეღებული მუქი ყვითფერი ფერის (არა პრიალა) საღებავით . სტელაჟის განივი კონსტრუქციის ნაწილი 30მმ იანი კუთხოვანა სისქით 3მმ, შეღებული მუქი ყვითფერი ფერის (არა პრიალა) საღებავით. სტელაჟის ხის დეტალები 18 მმ ფანერა შეღებული მუქი ფერის ხის ფაქტურით, სტელაჟის ფეხი ბოლოვდება იატაკის დამცავი პლასტმასის ძირით.	ცალი	2	249	498
მიწოდების ვადა: გარანტია:	ბელშეკრულების გაფორმებიდან არაუმეტეს 10 კალენდარული დღის ვადაში 1 წელი				498

ვეთანხმებით ტექნიკური დოკუმენტაციით გათვალისწინებულ მოთხოვნებს ვკისრულობთ ვალდებულებას ტენდერში გამარჯვების შემთხვევაში მოგაწოდოთ იარაღის განსათავსებელი სტელაჟები

სატენდერო დოკუმენტაციაში მითითებული ტექნიკური დავალების და ნიმუშების შესაბამისად ჩვენს მიერ მოწოდებული საქონელი იქნება მაღალი ხარისხის. ვიღებთ ვალდებულებას საჭიროების შემთხვევაში წუნდებული საქონლის ახლით შეცვლა განვახორციელოთ საკუთარი სახსრებით, შემსყიდველის მხრიდან რაიმე დამატებითი ხარჯების გაწევის გარეშე

ამასთანავე გაცნობებთ, რომ ჩვენი სატენდერო წინადადება ძალაშია სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მე-2 მუხლის პირველი პუნქტის „ე“, „რ“ ან „ტ“ ქვეპუნქტებით გათვალისწინებული ეტაპის დადგენილებით.


შპს "ჯეო დიზაინი"-ს
დირექტორი :




ბეგლარაშვილი




ნომერი #1



ნიმუში #2



წინხედი



გვერდხედი

